

白鶴山房詞鈔

白鶴山房外集

序

白太傅與元微之書云感人心者莫先乎情莫始乎言莫切乎聲莫深乎義苟非明悟宿授出乎自然未易風標性情神明律呂也筠潭先生天才瓌特遠承家學五酉識怪三庚決疑岳瀆鐘律長柳靈蘭罔不條貫在心指數於掌至若凌雲健筆鈔月雕章突鶴摧荀排龍拚陸所謂五樓巨手九簋洪鐘篙測管窺詎見砥靡出其餘事聲之爲調竊謂上林樂府大予雅材新聲則景武丙疆雜曲亦妃豨君馬鏤鼎可消遏雲不絕古歌邈矣新闕盛焉陰淫案衍爰萃於詞四聲旣別千調實繁往古作者動嫺宮徵纔脫鸞箋更調雁柱柳絲弄碧月榭天遙劍影拂霜玉關人老歌者銷魂聽者隕涕至如桂殿秋涼桃源宴罷皆從搏石悉協貫珠石榴花顫乳燕窺簾金鴨盃巡宮鴉噪柳卽繁

花曲巷金縷歌殘細雨小樓玉笙吹徹固已感均頑豔金石相
宜迫乎高指不分換頭亦繆昧次膺之按譜歇君特之倚聲與
夫效赤蛟朱鸞之篇追槃木白狼之製均爲文士之操觚無與
大晟之協律也先生乃抒藻八义鏤辭三影爲詞場之高唱識
琴趣之雅音巨則雄風雌霓叱咤鼇島之間細則品竹論簫爾
汝鶯簾之下集中醉歌咏懷諸作時而蒼鷁花鶻脫鞬太霄時
而燕筑雍琴雅在宮藏而潞河盤山神潛宮諸闋幾輔宣風登
覽所及酣嬉下筆峭蒨生芻有蘇玉局之俊逸兼姜石帚之清
迥神鴉社鼓慨慷北府之吟老桂寒雲零落南園之賦蓋能含
鬯襟靈導揚窈伏音流簡外豔溢行間敷軫搖毫始非帥爾以
視章擅楊花賀名梅子歌曉風於柳七唱絮影於張三但遲緲
詞鮮標高致先生之格侔乎遠矣

彥園

自惟區霜無識坎坎性

成日稷挾笥卒鮮刈獲重辱諉誣綴厄百陋見曲開無當揚
摧願操土鼓以謝金鏞

道光元年新正人日鎮洋汪彥國拜字謹序

白鶴山房詞鈔目錄

歸安集紹本仁甫

卷一

星輅唱和集詞四十首

卷二

花影齋倚聲集詞六十七首

白鶴山房詞鈔目錄終

白鶴山房詞鈔卷一

歸安葉紹本仁甫

星軺唱和集

金縷曲

和效顰姪月下醉歌原韻

何處難忘酒問雙丸玉輪飛碾有時停否放眼千秋蒼茫裏幾
見星移珠斗經多少初三下九皓質臨空渾似昔把仙蟾付與
吳剛守耽清景莫搔首魚鱗瞥見晴雲走且消閒歌呼達旦
一杯擎手歷落欵寄人間世最是高名難受有幾許胡盧掩口
是法不妨平等看任羯肌妍好鳩盤醜看花影過窗牖

又柳眼疊前韻

可是纔中酒認東風惺忪闌角倦還開否一片青垂薜蘿陌悵
望孤城似斗已盼到寒消九九樓外斜窺春意嬾正紅閨離思

和愁守章臺畔好回首 長隄杳杳花驄走關多少青衫絲淚
玉酥纖手似笑還啼斜陽裏此段風情誰受著幾樹永豐坊口
問訊星眸眠乍起向箇儂眉底評妍醜嬌無那映珠牖

又前題再疊前韻

搓就驚兒酒問筵前小蠻舞罷笑初回否春水盈盈橫波岸曉
月纔傾銀斗看過了春光八九陽斷武昌城畔路送征鞍只向
妝臺守隋隄側好姿首 飛花莫便因風走有幾許殢人嬌態
休攀凡手一顧宜春依依影東面輕風任愛好索取梅花笑口
杏靨桃鬢爭掩映料羣芳盡作無鹽醜洛社咏憶吟牖

又前題三疊前韻

小酌聽鶻酒憶斷簾伊人曾見睇真宜否 貌略花前儘流盼消
盡陳思八斗合付與多情歐九烟縷千條瓜步水做青青會媚

平山守橫塘曲試翹首 簸錢堂上嬌娃走暢好是初三月後
東風垂手比似梧宮宮中見只合西眉承受應栽向女兒港口
春色撩人無賴甚只梨渦雙頰堪爲醜金縷影當窗牖

又前題四疊前韻

漫駐離尊酒看亭亭玉闌干外泥人知否偷露濃春好消息短
拍應歌銅斗惆悵煞坂踰折九驛路風光青不盡把斷魂分付
長條守波欲溜晴江首 宮門隱隱羊車走只盼取同心雙結
綰來儂手記得低鬟目成夜密意者回生受且莫管啼罵多口
漢苑清臚誰得似恐畫工難貌明妃醜情脈脈碧煙牖

又承懷五疊前韻

不飲聲聞酒只夢中一枝彩筆寥天來否古月今人難遇面若
箇才高北斗休屈指祖三元九快掣鯨魚翻碧海貯靈書自有

龍威守墨池浪笑濡首 任他夸父跋跋走且擁得牙籤萬軸
試扶輪手孝穆珊瑚東方錦原合書生消受喚炙轂雕龍健口
萬象牢籠供刻畫看描成鳳采奇鶻醜揮毫寵風生牖

又和仲湘弟作六疊前韻

休信劉伶酒算從來蜉蝣醯甕能拋離否七尺輪囷肝膽在那
羨印懸如斗儘饒他數工九九結了管城文字契諒孔方只合
錢奴守賦豪士莫低首 胷中盤鬱蛟龍走試遙向雲天舉臂
海山揮手薜荔爲帷荷作屋世上庾塵寧受漫計較蝨心雞口
鸞鶴自冲霄漢遠看人間凡鳥原羸醜發浩倡氣驚牖

又楊妃七疊前韻

國色朝酣酒問古今深宮恩寵有如斯否密誓夜闌長生殿愁
煞南河西斗記曾侍金輿旂九羽騎千行誰敢近却花銜野鹿

無人守驪山苑莽回首傷心繡轍延秋走絕難料連枝比翼
者般分手一樹桃花摧急雨叵耐香魂禁受渾輪與蠻腰素口
安穩舞裙歌扇底悔仙姿不作麗廡醜千載恨華清謁

又西子八聲前韻

城貯蘭陵酒放錦帆橫塘歸去美人醒否萬柄蓮香五湖曲消
得金尊如斗倚紅闌徧三百九白紵歌殘宵漏歇曉鳥啼不用
銅魚守欵蟬鬢豔螭首無端麋鹿胥臺走最緘恨甬東江上
難攜纖手寶屐聲中河山盡往日恩情怕受望不到苧蘿溪口
身逐鴟夷成底事咏鷓鴣翻讓東施醜魂銷也娃宮牖

又

明妃九疊前韻

淚灑畱犁酒忽逢飄玉顏遠邁是君恩否獵獵邊沙風撲面還
雜數聲刁斗驚行到九州更九龍帳雪花如掌大這淒涼可比

長門守看塞雁尙南首 馬頭匡匡榆關走從那日檀槽邏迤
學成雙手貂鼠襜褕酥酪乳算是閑氏消受賦春燕幾番啼口
一種銀釵山市女到而今盡愛癡痕醜渾不願掖庭牖

又熙春塞十疊前韻

誰鑿窪樽酒聳高臺青山一桁春嵐濃否磴道斜穿松靄碧巖
勢直凌霄斗認幾點螺痕煙九古碣蒼涼苔篆紫刺龍文自有
啼蛄守朱闌做好俛首 沙蟲人影平川走看林際孤城百雉
簷端抗手徑上六虛亭子望雲影天光都受響琴筑階前螭口
瘦石幽泉爭色相更著花老樹枝無醜策筇杖倚危牖

又初夏卽事十一疊前韻

節近蒲觴酒正圓林熱梅天氣江南同否舶趁風微絲雨潤開
旋繡毬如斗可剩得餘春旬九卸了吳棉換方翅擢爐烟一穗

金猊守無事飲效犀首 閒從小隊郊坰走愛滿路綠陰承蓋
翠條扶手曲屈溪流人喚渡三兩野航恰受恍行到武陵源口
澗草巖花皆嫵媚便乞漿村女姿無醜誰結屋雲邊牖

又

自樵川赴界首途中作十二疊前韻

小酌都亭酒看花邊紅旌細轉畫能如否一片綠煙圍四面撲
去緇塵三斗訝方郵田開井九得得烏犍人叱犢更雲春自轉
流泉守溪水漲柴門首連山忽作龍蛇走有幾處黛鬟送媚
雲仙招手古木蒼藤交掩映空翠衣裙全受挂飛瀑薜荔崖口
雪練千條風漾直又蹲巖奇石熊羆醜樵斧響峯巔牖

又

建溪十三疊前韻

難變甘棠酒看飛濤建瓴千尺暫時平否兩岸蒼崖攢積鐵高
處捫參插斗渾不似黃河曲九亂雪翻空雷轉地涌蛟宮疑有

龍螭守堆檻瀕如馬首 衆流盡匯螺川走認估客檣帆絡繹
長年身手一葉輕舟穿石罅掀舞驚波能受有幾統殘碑渡口
霸國山川爭割據憶刀光練影嚴戎醜陳迹渺苔生牖

又瀧夫人祠十四疊前韻

豈飲簞醪酒倉卒間能全民命冠纓慙否夫壻巖疆持虎節偉
畧膽還如斗歎劫運世逢陽九大樹熊羆已蕭瑟恨嚴關絕少
旌竿守與廢事欲搔首 曾開鐵網長鯨走羨慧眼奇才解識
繫洪縻手帳下兒俄稱大將敢忘昔年恩受保多少白頭黃口
綾帳紗帷傳片語展慈雲盡化羣凶醜神風肅靈祠牖

又答曉門及效楊姪十五疊前韻

敢品聖賢酒祇憑將心波不起稍參真否

綸綍恩深臨軒遣寧羨金籠珠斗漫詡道鳳毛苞九家世扶陽

清節重願焚香長把楹書守辨魚目詠狸首明珠安得盈盤
走或暗冀珊瑚入網慙垂綸手久住蓬山濯冰魄大地纖塵那
受夢每到光明洞口酸茂一言皆足賞笑搔頭傅粉偏形醜題
水鏡鎖廳牖

又梅妃十六疊前韻

無分沈香酒最銷魂樓東一曲淚珠零否輦道苦生宮漏寂但
見玉繩低斗憶往事柔腸迴九月裏霓裳人慣聽恁仙姝却作
青天守釵七寶柱簪首憐他朔騎中宵走且畱得鸞箋小字
賦來黃手錦轡泥侵春草宿煞比上陽難受記笛韻曾傳檀口
骨沁梅清餐荔綠涼冰肌尙覺雙成醜魂應戀楓亭牖

又與諸同人話吳興風景有感十七疊前韻

憶煞烏程酒聽傳來甌洲漁笛鄉夢迴否碧玉雙溪流不斷漉

去涇泥五斗浮黛影山痕而九小艇瓜皮隨蕩漾泊蘆花恰有
閒鷗守波漢水碑峴首 晶宮絕少輪蹄走儘放眼緣荷如海
翠衣攜手一帶魚鱗樓閣好修竹暑風不受愛修網銀刀巨口
顧渚芽茶白于雪更團樂明鏡知妍醜子夜曲紅亭牖

又 團扇十八疊前韻

丹頰難勝酒乍梅風暄吹午枕粉汗融否拈得桃枝團月樣忽
訝新涼來斗通與陡勝漢苑製傳華九袖底香颺搖動好畫乘鸞
應效素樓守珠簾亞微回首 不須便面章臺走還記得碧羅
幃畔輕披綽手雲母屏開冰簟滑合與同心消受問底事笑遮
絳口小立蘭階人影倩障花顏恰恐花羞醜蟬影薄昭陽牖

又 朱子故里十九疊前韻

誰飲百觚酒算楊羅諸賢而後道真南否故鄣山中虹采眩間

氣應鍾牛斗演河洛學探疇九萬古滄洲傳講舍嗣緇林一脈
章縫守雲峯蟲好翹首隼旗幾度方州走空慨嘆猗蘭難采
斧柯傷手出處曾勞金使問可惜寶文虛受嘆只錦頻搖箕口
俎豆自馨千載業只青編難洗纖兒醜貧賤藻禮堂隔

又

謝文節公建陽賣卜硯二十疊前韻

憂國徒傾酒痛冬青荒陵萬樹塊土存否哲學君平垂簾市漢
運已移威斗占靈莢爰非用九猿鶴沙蟲難草檄剩羅紋當作
河山守悲馬角嘆鶉首未同玉帶燕臺走且就裏暗占消息
鹿歸誰手山郭蕭條水鳴咽瘴雨蠻煙甘受憑三寸縱常山口
大節夷齊同致命笑紛紛首鼠形何醜悲風颯橋亭牖

又

春閨二十一疊前韻

花意濃於酒正綠窗曉眠人起日三竿否一剪輕寒蘭袂襲寶

帳紅珠覆斗恰纔過上元燕九鍼線欲拈情尙嬾繡牀閒只付
狸奴守細雲貼鴉雛首芳園闌草閒階走最關情秋千院落
和歡攜手高捲珠簾看燕入兩兩輕風斜受愛遠岫翠橫窗口
如笑修眉春影淡掃螺痕應晒濃妝醜絮飛也謝庭牖

又

夏閏二十二疊前韻

涼沁荷簫酒認冰肌本來無汗暑能侵否八尺龍鬚雲母幌輪
扇風生柱斗看永晷朱曦照九小住匡牀尋午夢避人窺深院
鵲哥守勻面了玉搔首芙蓉塘外輕雷走防梅潤衣篝輕炷
香添銀手入夜桐陰調睡鵲淡月疎櫺却受家可近采蓮涇口
綠水紅附丹臉似較清標早薄張郎醜簪蕙草倚新牖

又

秋閏二十三疊前韻

金粟黃如酒問嫦娥廣寒深處似人間否溼露微侵珠箔冷簷

影直窺星斗漸冷信催來重九萬戶疎砧喧玉杵有征夫隔歲
交河守飛雲起憶隴首莫令清水東西走還省記花堆斜
橙搓香手曉陌霜濃騎馬滑生怕衫羅涼受聽沙雁聲寒渡口
素帛難傳心事遠譜新詞一闕奴兒醜銀箏撥西風牖

又冬閏二十四疊前韻

錦帳羔兒酒見南窗玉梅破凍膽甌知否複閣紅爐金燼蕪暖
意悄參戩斗候緹室琯吹寸九瓊幕簾垂風不到怯宵寒更遣
帷犀守鋪熊羆畫葵首關心歲序飈輪走呵牙管頌椒纔罷
忙籠纖手荔砌陰長添一線繡韞女紅新受訝冰筇晶瑩簷口
藏了銀彊剛送臘開銅街又看供頭醜嬌黃額壽陽牖

又三閏大夫二十五疊韻

拜手東皇酒繼風絃嬌修能服是大賢否紉春蘭兮餐秋菊更

酌桂漿北斗啓歌九更陳章九朝發蒼梧夕懸圃痛郢山宮闕
難爲守呵天問共工首 岑陽澈浦勞奔走空想到鵲緣伊鼎
雉斟鏗手日暮瑤臺逢佚女只恐鳳皇先受肯俯共雞彘爭口
砥室翠翹安昔夢怕長人土伯旣旣魂魄歸些修門牖

又 五日二十六疊前韻

過了櫻廚酒又蘭風吹來暑節歲如流否小圃榴紅萱草綠桃
印新懸室斗餉益智糗粘子九五色絲穿長命縷擣丹砂試驗
蛇醫守靈符小戴釵首 朱旗畫戟波心走記憑欄箇人驚見
玉垂雙手鳳尾香羅衫子薄如燕身材恰受擎寶扇涼生袖口
道了勝常閒試剪看艾人繭虎爭妍醜粉團射唐宮牖

又 題竹垞先生靜志居琴趣後二十七疊前韻

麗曲宜澆酒算金莖後來作者調堪同否釵挂臣冠憐宋玉密

誓曾盟星斗慨人事難諧八九一白班騅輕惜別葬紅心未得
雙鸞守脂河水應回首 蠅螭塞外征鞍走還苦憶綺衾皓腕
上元攜手日對修蛾餐黛綠也儘書生消受只微悵碧桃洞口
結了情天無限恨嘆麻姑霜鬢能衰醜腸欲斷冰紗牖

又寄二兄二十八疊前韻

久隔興寧酒望蒼茫雲濤千里離思濃否共處天涯猶契濶星
影空瞻牛斗移帶孔休誇環九白髮銅章老司馬問冷吟可似
錢塘守東西廡怕擡首 頻年旌旆閩山走徒自愧虎蒙羊質
詡量才手但飲清冰澄止水本分行藏宜受要說破星心月口
從古邯鄲難學步只甘心椎髻誰皆醜君應念莎廳牖

又東曉門仲湘並示效楊姪二十九疊前韻

共醉天涯酒聽聲聲紅牙拍徧喚奈何否十載江湖尋舊夢可

有意珠盈斗漫分別陳三秦九絲竹中年聊作達譜清商付與
旗亭守斜簪插憑科首客蹤莫慨楊花走且暫向磨煤虎僕
賭雕瓊手黃紙紅旗成底事祇有風情堪受看錦字織成繡口
試遣楊枝歌水調勝木牀三脚嬌兒醜浮一白官齋牖

又春眠三十疊前韻

頰暈紅於酒正深更綠窗人倦夜情多否鉤了雕欄金屈戌錦
被熨來銀斗剛數到佳期上九背燭偷將羅帶解認臂痕桂印
紅膏守倭髻墮微低首寶爐熏麝機輪走覆重衾尙嫌薄暖
頻翻香手釧響輕移釵影潤一種芳情誰受聽小語私傳脂口
昨夜鴛鴦雙翅刻只花錢翠帶姿非醜凝雲抱西簾牖

又曉妝三十一疊前韻

綠樹如酣酒聽流鶯數聲庭院攪人眠否嬌夢初回羅帳卷四

角香囊垂斗米插到鸞釵樹九潑了銀泥方龍髮倩小鬟側鏡
妝臺守星靨映回郎首東風無力游絲走長是愛碧桃小朶
簪來纖手葉似黛眉花似面溼露一枝濃受點檀暈態生櫻口
綰就盤雲新樣好尺鬢高不似城中醜朝嗽射雕龍牖

又午睡三十二疊前韻

薄倦非關酒惱春風者般情緒儂能支否清漏初長頽玉軟一
片嬌雲生斗乍展却冰紋折九龜甲屏山遮六扇繡簾垂不用
葳蕤守珊瑚榻揜顰首教郎莫傍紗廚走銷魂是綠垂勾葉
紅歛酥手蘭息微吹聽不辨枕印脂痕淺受夢欲返高唐峽口
小立欠伸皆入畫恐畫師筆尙塗鴉醜花影正文窗牖

又晚浴三十三疊前韻

竹醉籬頭酒乍交風送來焚暑日西斜否溼徧輕容芳汗透指

印欲黏圓斗指上怯熱信伏催三九夏月亦有九九見宋人雜記滿注蘭湯
看沃雪掩明窗分付銀鉤守釵纔卸螺鬟首香泉一掬明珠
走知靈液深深幾許試探纖手肌滑凝脂巾易拭疎雨梨花嬌
受教小玉且牢緘口未許窺簾移燭影賺餅金憎煞昭陽醜妝
重整迴廊牖

又太史公三十四疊前韻

未與柏梁酒問一時嚴徐東馬才能可否囊括縹緗歸寸管虹
玉光應映斗搜羅到古三皇九定了青編新樣子付千秋史館
金科守墨花耀雙螭首力驅山海波濤走儘人世真形變相
倚添毫手義爲朝廷憐勇帥盲牘遭逢任受是直筆休疑謗口
乘孔食殘成縱酷便他人難掩諸君醜龍門里懷山牖

又試院示諸生三十五疊前韻

嘗遍閱江酒數輶車歷來十郡歲月綿否絳節霓旌相映處慚
愧名誇山斗做中正人材品九鄉魯海濱多教澤願諸生堅把
遺規守褻然舉佇稱首也防申管歧途走誰則是俞歸鉛察
斷如銀手丹漆西行通夢寐自有衣珠宵受傳聖譯玉田金口
高躋介邱觀巨瀕莫黑風羅鬼爭瘳醜探物始書城牖

又寄大兄三十六疊前韻

憶隔春明酒但宵來怕聽夜雨寢食安否賴有魚書通警欵遙
指城依北斗積年格列應遷九

聖世官人歌卷耳好清勤夙夜銅扉守丹垣秩已居首 輜軒
愧我駟原走祇盟心廉泉飲腹藝林援手報

國文章思有用鶴俸敢教輕受且莫令山樵滕口振鷺白圭容
自潔照澄波怕作聾頭醜書款曲報齋牖

又

自題和朱竹垞洞仙歌後並柬仲湘三十七疊前韻

句賭葡萄酒問從來美人芳草情可忘否
娥女宓妃騷客賦豔采曾輝南斗敢輕道香生
竅九黛發雙蛾脂染頰只金箱寶軸風裁守
荷菜咏葩詩首鴛鴦七十成行走有多少玉環
約腕絳襦垂手曲是同聲歌捉搦一種溫柔自
受好細譜玲瓏唱口綺語空中隨意撰到色天
世界無妍醜勸醺醪舞臺牖

白鶴山房詞鈔卷一終

白鶴山房詞鈔卷二

歸安葉紹本仁甫

花影齋倚聲集

水調歌頭

延平明翠閣

萬岫夾雙澗山色亦雄哉飛虹百尺橫跨一道石梁開城上孤
雲似練城下孤帆似箭頃刻湧風雷千古戰爭地回首浩歌哀
俯辱顏看澈漩倚崔嵬極目川原似畫傑構聳華榱劍化龍
而雙鷺閑聞猿而獨嘯陳迹已蒿萊與客共攜手一醉酌金罍

羅敷媚

與汪曉門話閩中舊事偶賦

春風最憶漳南路珠轉歌喉波轉明眸一曲娑盤舞未休回
頭往事俱陳迹潞水浮浮建水悠悠何處重尋青翰舟

又

與同人話閩中之勝再疊前韻

山如環玦波如黛鳥轉歌喉花觸吟眸兀兀籃輿怕蚤休荆
關畫手愁難到松籟輕浮竹韻清悠巖上仙蹤問鐵舟

又

憶建溪舊事三疊前韻

銀箏記按當筵拍響徹詩喉譜付仙眸花豔驚人不肯休四
山嵐翠圍歌榭石鼎香浮檀板聲悠寫底江帆葉葉舟

又

潞川卽事四疊前韻

巖疆直抵烏桓塞地控襟喉山豁遙眸虎踞龍蟠勢未休雲
帆此處通淮海浦激波浮欸乃聲悠絕似江鄉鐵鹿舟

又

偶憶五疊前韻

蓬萊闕下簪毫處林轉驚喉鑰啓魚眸日歷編成正澣休而
今持斧畿南北鴻爪蹤浮馬首情悠慚愧人間作楫舟

又

漫興六疊前韻

采風曾握量才尺韻辨唇喉句賞心眸丙夜丹黃未少休書
生結習渾難捨銅鉢聲浮石硯思悠杯水憑挈芥子舟

又偶成七疊前韻

人生快意誰能數絲管調喉書卷開眸暇便行吟倦卽休安
得移官煙水國檻外山浮潭底雲悠十里風荷引去舟

又偶感八疊前韻

人生是處當行樂綠酒澆喉紺袖凝眸莫遣青山笑未休滄
江只悔成輕別鳬渚煙浮鶴嶼天悠有箇斜風細雨舟

又冬日卽景九疊前韻

飛雲糝徑寒煙織雲咽清喉風射酸眸墮戶人家正役休紅
鑪此際堪圍坐簾幙花浮琴弄絃悠快泛錢塘藥玉舟

浪淘沙
通州道中

淺水立鳬翁蘆荻西風焜黃老柳半書蟲一段冷雲斜日外澹影橫空路指

鳳城東石陌遙通田家禾黍正年豐夾岸舞翻紅穉極拍手兒童

臨江仙

通惠河感舊卽事

渺渺寒流明古渡斜陽雲影初收蓼花灘畔木蘭舟沙邊漁唱晚煙外櫓聲柔極望長天連海曲風前頓觸離愁廿餘年事嬾回頭烏梭天上織鴻爪雪中留

南樓令

潞城秋興

蕭瑟晚風寒征衣白袷單悄冰輪飛上雲端誰道木犀香正暖早霜意近秋殘一水繞榆關紅龍塞接連護神京萬雉歸然尙憶當年持斧客馳羽騎擘吟箋

謂宋牧仲尙書

遠朝歸

秋日滌河館事

秋淨平蕪見幾株垂楊踈翠寒蘆搖碧望裏煙明水遠紅欄綠
浪恰似江南景物揚鞭處快馬蹄得得塵埃都絕西風細蹙
鱗波憶一葉蒲帆直通鄉國雙魚迢溯迢迢亭堠帶得故園消
息當年舊夢俄轉眼星霜飄瞥斜陽外又是暮砧聲急

滿江紅

漫吟

峻坂雙丸隙駒過處全無影乍簾外雪雲黯澹霜風淒緊草草
年光行欲暮迢迢塵夢呼難醒算圓渾著甚恁般忙無憑準
今古事閒中省真幻想空中領只浮漚起滅去來無定小住十
洲清淨宅安眠一覺華胥枕問前身何處托行蹤蓬萊頂

青玉案

郊外偶書

夕陽照樹紅相亞秋已半新寒乍淅水初收黃葉下一年春信

依依柳色又待東風也孤城一抹渾如畫又屈曲疎籬傍茅舍此景北來應共訝下若溪邊餘英渡口只少虹梁跨

天香

咏綠牡丹

苔砌迷煙竹軒吹霧歐家冶色新染嶺外珠嬌汝南玉小不數蓮跗丹臉漢宮似否認旬葉鈿痕微顫記取成都畫樣黛螺五斛濃點亭亭幽姿最勝漫評量紫深黃淺錦被金裙輸與青綾妝沒解釋春愁幾許共鬢影窗前鬪明豔蜨翅休疑一名綠蛱蝶腰難見

夢橫塘

題陳百泉司馬小照

竹雲羅徑桐露飛簷秋光此際清絕老屋三間占幾許林風池月槎几無塵湘簾似水爐煙初歇看碑摩碧落硯滌紅絲閒吟處仙凡隔綠天盡展燕陰有幽人把卷襟懷冰雪試數家聲

是百尺樓頭標格想鄉國花橋香徑水木空圍弄明瑟憶煞當年牽船曾任也茅庵支得

玉樓春

定興道中

溼雲合沓魚鱗澹雨過微青逗天半幾株疎柳夕陽村一片平蕪臨水岸涼颼欲滌炎威散鎮日絺衣却紈扇軒輿度處疾如飛萬點銀沙明似練

桂枝香

秋日潞河官舍卽事

金風成陣正蓼岸水香蘆渚煙淨遙見重嵐似染澄波如鏡新涼透向單紈早問流光木犀香近露浮蓮蕙雲沈菰米一番深靚暢好是冰輪漸映恰寶相空明纖塵都盡籬角秋聲城城更添蛩韻年時記得搗幽侶擘瀉箋墨華痕沁誰知此日朱旗畫戟未輸清興

金明池

之通永觀察任卽事

鳳水波寒龍山翠疊一片川原佳麗資保障

神京尺咫控遼海北闕左臂紫瀾迴遠拂樽桑憑指點蓬島方
壺疑似看沙潑潑洄鹽田廣斥天府雄關百二曾記名藩開
此際倚紫塞秋風牙幢羽騎崆峒峻願磨長劍孤竹險也踰卑
耳認峯頭故壘猶存快時際

昇平周行如砥愧露輶鶯花星旂雲樹持斧繡衣直指

十二郎

秋水時至泛舟通惠河卽事

百川灌海浪蹴踏絳河欲瀉看急溜噴銀迴瀾漱玉淼淼素波
天罅兩岸蘋花香全浸又漲到青楓根下羨浴鷺爭飛眠鷗無
數傲人閒暇瀟灑恰如身在江亭煙榭乍桂棹輕移蘭橈徐
動風景依稀圖畫柳外魚簪葦間蟹簪不羨餘不溪也聽欸乃

聲過行雲萬里東吳帆卸

瑤花慢

中秋

澄天如水皓魄東升看羅雲全捲冰壺皎潔瓊樹秋萬里清光
難掩姮娥依舊倚玉殿新妝初展照古今銀鏡無塵三五金波
共滿此身似到瑤臺鎮心地清涼根因都現金觴滿泛雲液
迥喚起玉龍宛轉廣寒何在認桂影婆娑庭院漫相誇綵幄紅
裯且付花毫牙管

秋霽

卽景

涼雨初收聽殷地驚飈悲颶林杪亂颭荷塘輕搖荻岸觸耳商
聲激謫天容皜皜碧虛不許纖塵到看窗外遠岫攢青雲絮一
時埽回首却憶水國西風蒹葭蒼茫江上殘照掛蒲帆鴈汀
鼻渚秋痕點點在紅蓼菰葉蛤蜊漁艇小五十八待尋萬斛

銀燭一窗霜鏡叢桂香好

鎮西

送尊汀姬之官定邊

風寒燕市正蹇驢初跨離亭外柳絲成把休疑詫算征輶西去
放眼關山洪河泰華豪情滿懷傾瀉斟別釀銅章黃綬好搖
鞭去也漫回頭青門紫闥莎廳下儘稱晴道雨林表看山松間
結夏紙尾斜行名押

水龍吟

秋日卽事

碧梧庭院西風緊涼意羅幃先透露垂珠點蟾圓玉鏡雲鋪冰
縐捐了齊紈裝成吳絮寒生翠袖乍闌干凭處聲聲柔櫓又是
鴈來時候絕愛閒窗清晝映斜陽疎花如繡琴調綠綺碁函
白石曲翻紅豆多謝天公勻量芳晷平分蓮漏待銜盃探取秋
英簾外一痕香瘦

百字令 盤山紀游

穹巖特起愛紆迴磴道百重蒼翠怪石巖我無定相捫處一天
煙靄鳳蓋襍龍鱗偃蹇拂帽松枝礙疎鐘何處僧寮縹緲雲
外最好絕頂攀蘿一枝塔影卓立凌空界紺宇琳房相掩映
彈指華嚴香海洗鉢池遙譚禪石古劍影雄千載宮堯
行殿崆峒軒馭如在

南浦

萬柳堂送秦山峴司寇歸無錫

帝里正濃春有香山逸老蓉湖歸客鶴髮未垂絲偏夢回故國
綠蓑青笠爲霖已徧關心祇繫閒風月一曲梁谿堪把釣疎雨
杏花漁笛城南煙縷初勻恰風和上巳羽觴時節勝侶集簪
裾離筵啓還似冶原將別新荷驟雨繁聲可記紅牙拍滑笏江
流公去矣此會年年應說

高陽臺

潞河秋思

天抹微青水嫩細黛西風作意涼侵嫋嫋層波白鷗夢墮湖陰
一年好景從頭數乍膏騰已到秋深最關情幾疊清船萬戶疎
砧 蒼茫難認長隄樹只參髣瘦影淒瑟空林霜冷烏篷月珠
搖蕩波心滄江滿目催詩思怕詩成清怨難任聽寒潮御汨沙
頭又轉煙潯

臺城路

潮縣神潛宮遺址是遶時妃嬪從獵處

斜陽一片平蕪冷苔花難尋古瓦螞蟻墳空鴛鴦淀廢畱得當
年構架繡簾誰挂只敗葦枯荷吟蛩噤啞幾稜閒田龍鶯耕出
寶釵也 霓旌記從萬乘想紅妝千隊雕鞍齊跨臺畔呼鷹草
間射虎多少青娥姹姪滄桑事假早夢醒銅駝露盤悲咤老樹
猶存但瘳瘳病馬

掃花游

重陽前一日作

西風料峭正節近重陽黃花開綻蕭疎落木乍催成霜信相林
楓岸潌水全收有遠嵐聳翠髻影蔥蒨聽寫入琴絲候鴈聲遠
官閣多清燕快寒蒲幾輩爬沙初獻雙螯雪斫憶煙波小市
垂虹亭畔與客攜壺難得酒人相伴傾銀盞莫負茱萸身健

沁園春

閏七夕和潘紅茶方伯同年韻

屈指前期冀英剛周欣逢此宵是錢儋營室添來良夜波淺銀
漢退去秋潮駕鵲車嫋鵲路熟渡口相攜不用招歡情永勝
尋常仙侶信爽藍橋沈雲猶認菰漂笑再入花源路未遙任
凭肩語密畫欄重倚低鬟巧乞粉本頻描衣曝纔經鍼穿依舊
健句何人快舉瓢風光好看桐圭新茁金井涼澆

百字令

初至粵西使署作

流年如駛又一官嶺表廉車初忝桂海驂驚傳故事慚愧金章
司憲常棣碑存甘棠港在佳話人都羨對牀風雨驚心鴈影中
斷迴思冶嶠持衡天雄草檄歷歷游蹤遍皺面恒河渾未改
贏得頑軀身健合浦還珠鬱林遺石敢道前模遠分陰須惜治
書秉燭忘倦

臺城路

題謝椒石觀察小燕潭詞後

一編豔製明於錦羨煞仙才如許禁苑文章稽帷事業都付檀
槽金縷銅駝俊侶况公子西園蘭芽玉樹滴粉搓酥就中多少
斷腸句花間草堂誰數愛風情宛轉歌翻白紵十里橫塘一
溪香雪畱得騷人且住舊懷觸迂記賃廡卑橋鴻泥前度往事
如雲剩香縈夢縷

邁陂塘

獨秀峯

望蒼巒峯拔百丈孤峯特起如削兒孫四面煙鬟繞讓出中臺
峯巒嵐影薄是碧玉千重巨斧凌空鑿始安城郭看虎踞熊蹲
鸞停鵠峙半壁南天拓煙光錯暮靄晨霞無定翠螺掩映疎
箔迢迢樓畔憑高處俯視朱垠邛笮臨官閣訝正面廬峯直上
干霄塼休辭芒屨快萬仞頭振衣長嘯跨去珠宮鶴

憶舊遊

憶吳中有感

記牽船胥浦賃廡吳趨勝地棲遲崇讓坊邊路乍繡襦甲帳甥
館相依春風海棠庭院纖月寫蛾眉算醺熱雙煙篆鏤重壁旖
旎芳時比肩曾豔說儘披釵搜篋同度牛衣那識塵緣淺恨
瑤京一去難返香幃寂寂海天清夢腸斷繡簾垂只回首淒迷
海湧山遙感鬢絲

壺中天

憶葑門舊居

溪南舊隱記竹間三徑茅茨不剪碧水一灣清繞屋恰傍書窗
吟檻小塢栽花閒庭種樹插架書千卷蝸廬抱膝未教俗客門
款祇今蕙帳塵生苔階草歇猿鶴空山怨瘴海一官家萬里
憶煞丹楓江岸子美亭高閭邱宅古幾許閒游衍他年卜築草
堂應傍雲巘

埽花游

謁廣福王祠

靈祠何處問幾幅雲峯玉簫修聳盤紆石徑看翠竹青楸鬱蔥
巖洞碧瓦朱欄林際俄翔鐵鳳浮簷拱乍朝謁迷離晴嵐飛動
英魂曾入夢是大將征蠻貔貅坐擁孤忠堪竦墮飛鷲不愧
虎臣神勇膜拜祈年頃刻風雷喧涌明禋重願甘霖常滋芳隴
擊梧桐

上元後風雨連朝春寒特甚

朔吹喧重幕誰記是桂嶺宜人偏獨纔過燒燈節乍冷雲凝碧

亂飾銀竹打窗急，霰侵階急點斷續聲。寒碎玉何處圍爐好，恰
相對紙帳梅花官閣。回憶年時天街踏雪，茸帽紫裘曾著一
自來南國探花信，正喜小桃紅簇。時山桃已放花忽地東皇愛惜，香梢
渾勒住。湘葩錦萼待新晴，壺山扶展同醉醺醺。

念奴嬌

桂林除夕偶憶吳中

屏風巖畔又梅花，如雪年光欲換宦迹。天涯渾轉絮，行到蠻溪
狔戶，諸葛臺荒伏波山峻。往事千秋遠，碧簫青帶韓公舊，句曾
選。却憶烏鵲橋頭鰓，解江上泛宅天隨，慣小閣鑪香熏柏子
景物。吳趨清豔金縷衣輕，玉簫聲緩是處堪腸斷。神山風引何
時重倚欄檻。

疎影

題拜樓圖和謝椒石同年集中作

名葩無數問弱骨豐肌，誰堪腰折雪後園林。籬落一枝纔見孤

高標格平生傾倒人餘幾恰在對瓊仙接席便殷勤作禮何妨
况是廣平鐵石脈脈辨香熏處算寒泉秋菊宜薦冰魄國士
無雙管領東風合受詞人參謁身比菖蒲甘頰首料清影霜筠
同潔莫漫疑庚子陳經好記詩題人日

惜餘春慢

本意

綠暗梨雲紅殘桃雨已是殢人天氣纔陰復霽乍暖還寒做弄
許多春思簾外幾陣東風香絮濛濛溼吹不起看著苔徑滑蕉
葉成林笋痕迸地還記取江國樓遲惜惜門巷重碧侵人衣
袂遙山似沐新水如煙不盡畫情詩意誰道南天宦游攷鳥蠻
花儘饒姿媚祇懷人陌上香車緩緩可能歸未

百字令

題蘭孫氏節烈記事後

香消玉隕嘆華門寒女能全貞白金穴銅山渾不羨獨葆璇闥

芬烈鸞破難圓鳳飛豈可淚盡啼鵲血鳩媒何處瓊花幾墮灰
劫却憶堂上調羹膝前畫荻回首真淒絕生就青陵連理樹
那許狂夫攀折精衛無波鴛鴦有塚畢命朱絲直皮金剪字至
今淒水嗚咽

又前題

流光如駛凭闌年七十旌揚未被夢裏貞魂能訴恨遠涉甌閩
萬里校士方還采風又出重與烏頭峙蘋香薦俎煙煌
玉詔泥紫尚念宰樹枝青孤雛髮白一綫千鈞繫廣置田疇
延似續伯道休嗟無子化石峯高摩笄山峻勁節真堪比春蘭
秋菊姓名無絕彤史

西江月慢首夏卽事

落紅都盡長晝永翠陰如幄蜜熟靜蜂喧鳩啼深樹燕窺華屋

恰枝頭梅子初肥染就金丸將熟忽冥冥密雨垂絲簷潤聽鳴
瀑正清簾疎簾屏山曲簾歷爐煙似縠讀畫啟基無不可白
亭輕衫初著還記得江上筵開擘箋飛盡名園金谷問何日一
棹航船帆影綠

角招

過南江王廢邸

寒烟冒荒池地崇埔猶綠城曲桐封今寂寞碧瓦朱甍游遍麋
鹿青山如昨只剩得危峯高矗流水宮牆漂綠輸他燕子年年
又銜泥新屋往事認浮漚憶璜圭初錫燕土雄南服蒼鷺飛
地軸淚盡銅仙露盤傾覆野花零落誰記得珠屏繡幙怕拾戰
場遺鏃但叉手話斜陽閒樵牧

滿庭芳

題竹垞先生詩詞集後

太乙吹藜長庚入夢仙才最數驚湖衣冠江左腹挂滿櫓書千

里麻鞋應召金鑾直玉殿披裾承

恩迴翔麟給馬第宅傍

宸居

掉頭歸去速碧山學士不戀銀魚只花間放艇湖上騎

驢長吟短咏紅牙按字密眞珠閒情賦春風鬢影文采似相如

三姝媚

咏白十姊妹花和秋錦山房韻同設積堂作

朝華披未謝恰深翠園林雪姿開乍珠袂齊垂笑昭陽紺袖相
依宮榭不學天桃祇穠李清香滿架比似芳閨宋女成雙新詩
競寫豈是光哀名借疑瓊觀羣眞來游月下紫蘭注籍有飛
行十種素霓衣亞聯臂踏歌訝少女春陽圖畫膩粉成圍漫羨
小喬初嫁

南樓令

春日署齋卽事

樓閣枕煙鬟蒼風四面環啓疎櫺靜對孌顏忽地濃雲將雨過

渾掩却一房山 花木小庭閒攤書午夢殘聽枝頭鳥語餘響
恰似江鄉三月暮梅子熟辭痕斑

天香

楊妃出浴圖用小蘇潭韻

祕殿風薰綺窗雲暖屏山八尺初展蕙質凝脂蘭湯沃雪搖動
翠鬟微顫羅巾輕拭怕嬰體膚痕一線分付牢鉤屈戌莫教潛
窺人賺 閒聽侍兒低喚算沈香已排芳宴恰把雲翹徐整粉
凝酥汗爲問春風靈液是誰稱宮庭葛衣澣可惜華池蓬萊清
淺

卜算子慢

五入墓和謝椒石觀察韻

茄花開遍芝草焚餘合使昊蒼憑怒假手英雄一霎轟雷急雨
歎宮隣運早休金虎滿鴛列乾兒義子何人似此千古 莫詫
奇謀誤恰塚傍要離一坏香土蔓草寒煙何處十三陵樹快然

臍終嗟郿塢祇劍氣魚腸碧血共英靈來去

念奴嬌

中州相國寺相傳信陵君故宅和小蘇潭集中韻

西園公子慙才名絕代偏遭時忌一擊秦軍紛解甲同氣情懷
難已關上雞鳴樓頭客醉碌碌誰能爾史公佳傳千秋猶記名
字誰料草沒鴻池雪殘兔苑銷盡王侯氣往日風流都歇絕
折戟沈沙難洗竹院晨鐘松林夕梵久忘烽煙紫夷門何處緇
塵袞袞東起

小龍吟

午日憶吳門競渡用小蘇潭韻

錦幟爭奪晴波千夫鼓噪旌旗列螭頭噴水魚鱗織浪共歡佳
節日麗蘭津風暄蒲渚管絃雲遏看衣香兩岸歌喉百轉直待
上波心月憶得卅年前事正清游浦尋黃歇一尊乍對斜陽
隔座雲盤鬢髮羅綺江山蘅荃心事非因人熱祇而今舊夢依

稀怕聽玉簫聲咽

百字令

花影和小蘇潭韻

離離萬朶乍晴光照耀
嫣紅深處幻出整斜疎
密樣掩映溪亭
江步風過微搖月明有暈
丰韻雕闌午紗窗暗上墨痕
疑沁金縷
最是枝颭西廊玉人行去
淡拂湘裙素隔著重簾
渾不辨訝道花光似霧
倩女魂香巫山夢悄
莫詫相尋誤鏡中同看芳姿原似前度

如夢令

送春日作

糝徑落紅無數滿目柳煙飛絮
風雨幾曾晴過了鶯花時序
春去春去啼徹一聲杜宇

邁陂塘

題章邁亭姑丈采芝圖

問仙山是誰曾到靈芝三秀巖
穴荆樹數株齊鬱藹
兄弟茅家

丹籍離塵堀看疊幹蟠根彩映東山宅棣華同茁偕蘭苑仝喬
商顏黃綺共證長生訣 山水窟暢好芒鞋竹杖弁峯蒼翠如
滴松風一徑眠雲厂瑤草遍滋崖隙真意得乍抱膝高吟不羨
閒簪紱楹書遺澤認花縣桑栽莎廳薤拔幾處甘棠植

菩薩蠻

夏夜

驕陽已斂繁星密滿庭花氣荷香徹林外晚風微流螢高下飛
輕羅圓月暈團扇揮難定小立倚闌干黃昏人未眠

卜算子

初夏偶成和莆田集中韻

雨過曲池涼風動湘簾捲忽見流鶯度短枝嬌弄千聲轉 新
綠遍園林細草鋪茵軟誰踏蒼苔破曉來花底琴絲緩

南鄉子

附家書後

秋水送歸艫誰道輕帆滯故鄉懊惱江頭鐵鹿子長橋那得風

來借馬當 綺閣漫焚香 閒煞金鑪小鳳皇 屈指征程經勝地
瀟湘九轉雲帆楚塞蒼

生查子

雨後野望

雨過暮天澄 疊嶂青如洗 猶有兩三尖 出沒孤雲裏 桂水繞
城流 清見銀沙底 雙槳度驚灘 拍拍鳬鷗起

齊天樂

題友積堂桐陰覓句圖

碧雲忽墮中庭影 人間頓消殘暑 淡月初生 涼煙輕抹 纔聽數
聲疎雨 花香暗度 正么鳳尋巢 伶俜翠羽 清露晨流 丰姿濯濯
定如許 蒼苔色 誰踏破 有箇人 幽獨 仄徑微步 玉宇無塵 銀
河漸轉 多少襄陽詩句 八叉俊侶 乍韻入 冰絲龍骨 堪譜 啜茗
平臺看吟成漫與

三姝媚

再和咏白十姊妹花

誰言芳意謝愛亂藥叢開清和節乍連理駢枝訝低鬟牽袂離
縱亭榭素面爭妍嗤凡卉蒙茸滿架練悅紛羅九咏霜縑一般
吟寫却笑英娥字借擬玉女青腰依旬來下輕綃裝改見層
層院落雲袿齊亞七子佳名嬪御之號見漢書注更三婦豔情宜畫十國
春風漫羨提鞋早嫁

掃花游

題生香館女史茶煙煮夢圖遺照

亂紅滿徑正濛濛春晝謝家庭院重簾低亞恰苔黏雨砌絮飛
風慢石鼎濤聲剛道雪芽初碾槐陰轉乍一晌游仙綠窗人倦
本是瑤臺伴記寫韻前生步虛天半鳳翎輕蹕問瞢騰可到
藥珠宮殿香茗才華惆悵蓬萊清淺塵緣短剩河陽鬢絲空感
霜葉飛

題陳石士姬人寒閨訪夢圖

璇閨一夜西風緊生把瓊枝吹折妝樓鎮日鎖葳蕤恨人天輕

別問何事情緣空結三山舊恨憑誰說難得嫁才人又驚地香
冷珠襦瑤捐金玦 回憶素手調羹文窗拈線德容真箇雙絕
柔姿況得少君憐柰圓暉易缺有嬌女秦簫吹徹門楣差慰啼
鵑咽只六如孤亭畔經卷藥爐老淚淒切

愁春未醒

題美人枕書圖

綠窗晝永誰把睡情勾引算只有香芸幾帙合併春魂短夢迷
離金爐初燼篆煙昏華胥到否娜嬛萬卷卽是靈根 瓊島游
仙上元細字認取分明正是東風絮影殘醉膏騰彩筆剛傳啼
鶯忽喚曉雲醒繡檀休倚牙籤斜界挂住釵痕

疎影

題周夢巖學使評梅山館圖

千林雪冱是何人結屋凍雲深處籬落垂垂相見無言渾把東
風領取縞衣怕逐明蟾隱莫喚起雙雙翠羽但巡簷索遍幽香

一點芳心誰訴 絕愛青山眉嫵繞橫枝面面玉容增婢一抹
疎煙山閣無塵俊煞神仙伴侶高寒玉宇前因在憑想像孤懷
如許漫驚疑花下無蹤鐵石當年曾賦

金縷曲

送陳厚甫前輩赴粵東講席用己巳歲和同人韻

勸盡瑤卮酒看江山有情如此公能畱否一代才人陳無已早
識名高北斗問故里橋三百九鴻雪前游同指點謁崇祠曾拜
姑蘇守余與先生同肄業紫陽講舍與章公祠相近卅載事猛回首聲華不脛天
涯走劇喜是殊方把袂蠻鄉攜手桂嶺環城嵐煙翠合讓詩仙
領受只惆悵相思江口十幅蒲帆東去速賦驪歌拙調慙粗醜
佇尺素書堂牖先生將主講粵東

白鶴山房詞鈔卷二終

白鶴山房外集卷上

歸安葉紹本仁甫

天道猶張弓

天道迴環應如弓在善張附簫看損益
率驗低昂引處霞棚正彎來月魄強
弧原三角算材以四時良省括調寒暑
成規協雨暘象休疑倚杵影直挂扶桑
電激非驚雁星明早射狼

執圓

神化洽健運頌無疆

日向壺中特地長

欲識仙瀛景晴暉晝未央
壺中天可擬苑內日方長
銀箭遲宮漏金鑪燼篆香
黃人堪駐晷

紫藥正當陽鳥語聽頻換鳥跂躍豈忙花磚便步緩槐院愛
陰涼宛到樊桐境如移若木光

湛恩榮侍直瞻就拜

瑤閭

月影斜分瓦隴霜

簷端棲皓月瓦隴積輕霜仄認冰輪影斜分玉屑光晶瑩
還辨色的饒儼依行銀闕三層露瓊樓一攬裝陰纔移薛
荔冷欲濕鴛鴦斷版橋誰度虛亭夜正涼桂華頻駐采梅
藥乍含香

溫室

宵衣切金波麗

九閭

山月臨窗近

山館誰宵宿當窗皓月臨一輪明地表萬仞近天心素彩
疎櫺入寒暉曲檻侵玲瓏花逗影瑣碎竹移陰瓊闕疑相
逼丹梯若可尋何人閒倚枕有客佇鳴琴遠岫嵐光合中
庭露氣深

關門逢

盛典攀桂仰高岑

山月當簾鉤

神女幽棲處琳宮一桁簾恰逢絃月照渾似玉鉤添素影
窺瓊榭斜光掠畫簷無煩雙手捲爭愛兩頭纖冷欲侵銀
蒜清宜映鏡奩擡同秋水激挂向晚風嚴仙境迷胡蝶深
巖駕老蟾眉痕堪共記內翰句頻拈

自衛口方集卷一
二
吹面不寒楊柳風

柳苑春光麗和風撲面吹卻當微暖候不似薄寒時縷向
長條舞襟從曲岸披過簫還悅耳染黛正舒眉絮影迷離
認花香淡蕩宜江亭人喚渡山徑客尋詩紈扇揮相似紗
巾脫尚遲祥颺微入律

蹕路颺

青旗

前題

何來風拂面柳岸籟徐吹料峭寒初減溫暾暖漸知輕颺
微獵獵弱縷故垂垂襖共黃綿著衣還白袷披有情縈側
帽無力颺游絲曉陌搖鞭好深林步履宜桃鬢方碧映杏
靨正紅欹麗景

龍池擅和甘紀

聖時

川明虹照雨

雲外收殘雨長川景倍清尚餘疎響滴忽照斷虹明銀竹
從空灑金橋隔岸橫氣連山帶潤彩映日輪生樓角雙垂
豔灘頭半面晴影斜還拂樹點重欲開蘋綺散霞相雜帆
飛浪乍平王官工索句送客暢幽情

風雨奉龍

爲霖占變化應候起神龍奉以時風若兼之快雨從土囊
吹噫氣河漢瀉懸淙儼助飛騰勢全資天矯容破空驚電
掣絕壑大雲封號令珠宮迅波濤劍影衝九霄看爪甲萬
籟叶笙鐘

乾德欽

乘位甘膏慶野農

山雜夏雲多

首夏炎蒸近煙嵐處處過尚留春靄淡卻雜火雲多隔岸
奇峯逼橫空錦障摩幾重堆遠岫一片度晴波霞綺參差
映虹紳宛轉拖半遮痕似黛莫認影如羅歸早迷青礪消
還出絳河

宸游觀物紀卽景叶賡歌

黑白雲花玳瑁天

天容秋最麗玳瑁宛成文漫說紅黃樹還看黑白雲淺深
兼宿靄濃淡閒斜曛彩訝雕筵映痕疑畫棟分嬋娟浮玉
宇黦黦豔彤雲本擬瓊瑤闕翻同黼黻紋日珠偕照曜霞

綺共繽紛卿霽輝

堯陞

光華被八垠

玉女披衣

試驗甘霖候岡名記玉妃雨絲將織縠雲葉宛成衣綿密
兜羅覆爛斑綺繡圍恰留螺髻聳欲認黛眉非膚寸量來
合腰支約處微封姨宜製翦帝女爲鳴機霓帶還遲束霞
裳待晚霏須臾珠點灑盆水更輕揮

江上詩情爲晚霞

一片蕭疎景晴霞映晚江幽情誰共賞詩思詎能降散彩
臨瓊岸餘暉照石砑雲中張綺幄天上建朱幢返照波明
半迴汀影寫雙小亭人喚渡孤艇客凭窗定子當筵態吳

姬水調腔連州詞絕妙高詠答濤瀧

落霞與孤鶩齊飛

一望滄江晚餘霞片片飛卻同孤鶩影齊帶夕陽暉滅沒
臨前渚翩翩飭釣磯綺裳飄錯雜錦翼認依稀遠意看無
盡斜光照入微遙憐魚尾映未待雁行圍曲岸纔停槳高
樓乍啟扉子安詞勝畫彩筆紀頻揮

冷露無聲濕桂花

零露丹霄冷空巖碧桂幽濕霏瓊蘂表聲靜玉階頭萬籟
中庭寂千林夜氣浮蟾圓深見月鶴警倍知秋味擬雲漿
浥香凝錦樹稠金莖同瀉潤翠蓋豈臨流無隱龍天悟如
珠象网求芳華開

朱殿佳景麗瀛洲

新秋雁帶來

不覺新涼到金風拂戶隈卻看征雁影渾似帶秋來塞北
銜蘆早江南落木哀爲傳霜信迴好趁月痕回浩蕩長天
遠蕭疎爽籟催一聲連曉角萬景澹曾臺渡口肥紅稻林
間冷翠苔殘星橫幾點試與驗葭灰

冬山如睡

四時山色異睡態記嚴冬試繪冥濛景如觀偃蹇容寒雲
深谷暗積雪半巖封眉掃粧逾淡鬢歆意倍慵鄉非尋華
嶺夢豈幻巫峯衣冷幽人跡香眠處士蹤苔扉局自靜蕙
帳掩應重更待春回後東風笑靨濃

紅樹青山好放船

秋色澄江好臨流快放船紅看霜葉靚青逗霽山妍鴉影

皇朝詩林卷一
翻遙浦螺鬟淡遠烟花疑春水渡屏畫夕陽天棹撥丹楓
外帆飛翠靄前清華真並擅風景正無邊木杪誰通徑峯
灣合扣舷短篷懷玉局吟賞憶當年

黃河千里槎

蔥嶺交流處曾傳博望過一槎橫碧漢千里泛黃河牛斗
依天近龍淵湧地多三門飛疊浪九曲瀉盤渦溜雨前身
幹乘風遠渚波枕牙殊雀舫篙眼認蜂窠簾隱仙人肆機
留織女梭

皇輿通月窟源訪定無訛

爲有源頭活水來

方塘清徹底試問水何來爲有靈源活能教靜鏡開雲漿
流瀲灩雪竇涌皚皚不使汙泥染非同濁浪催江河分浩

瀚潢潦陋滌洄逝者機如是滑之理可推休誇泉出醴曾
聽壑鳴雷曼羨徵

天德川增福祿賅

溪水如雲欲到門

溪頭新漲發流影度前村乍認雲迷徑誰知水到門涼烟
生渡口疎溜下山根陡覺遙天合依然淡靄昏雙扉看恰
啟一碧暈無痕拍岸迴瀾靜侵階細浪翻晴川何浩淼春
氣正溫暾

太液

恩波闊澄明映

紫垣

風泉滿清聽

何處潏潏響流泉砌底清乍兼風颯沓彌聽韻琮琤灑落
千巖勢颺颺萬竅聲直教神凜雪不獨耳澄瑩珠玉懸崖
濺笙鐘絕壑鳴巖松偕瑟颺窗竹共崢泓那攪幽人夢偏
怡逸客情蘭波環

鳳沼

天樂奏咸英

昆明池織女石

漢帝開雄畧昆池擬大瀛卻看文石琢還象女星明霧鬢
凌波見雲衣照渚輕漫疑身化幻豈效鳥填平鑿鑿千年
峙盈盈一水橫鵲飛橋待駕犢飲浪無驚苑外紅牆築槎
邊翠杼呈銀河如有約雙度問瑤京

前題

一片昆明水千秋織女綵池原資戰畧石更貌仙姿質豈
媧皇鍊躔從寶婺移瓊華曾比豔珉泐又標奇西月明丹
臉南山映黛眉何人迎繡幄有客駕靈輜池亦有磯漫傳
牽牛像新婦鄉休誤禦兒天孫如可見同誦上元詞

危橋帶水村

一望痕如帶山橋傍水村彎環危欲斷欹側徑猶存婁絡
垂藤蔓槎枒擁樹根溜穿檐半損苔滑磴難援信步扶藜
怯歸鞭策馬煩迴波通小艇別岸隱柴門汧汧溪流活戎
戎聚落喧荒寒江市景畫意問華原

樵路細侵雲

欲訪樵風跡嵌寄上碧岑千重雲乍合一線路微侵鳥道
緣巖隙蛇盤轉岫陰丹霞空外躡蒼靄望中深隱隱痕難

辨丁丁響試尋夕陽歌擔影山月照行吟曳練天邊想聽
琴磬曲心薪慙歌

聖代談道到煙林

家在江南黃葉村

何處浮家遠江南水上村千林黃葉瘦一棹碧烟昏宛轉
沿溪路蕭疎落木痕夕陽明斷岸秋意冷高原斜映松邊
徑深藏竹裏門此閒霜信晚是處野雲繁漁火楓橋市虹
亭枳樹垣扁舟歸去好詩思在丘樊

天地一指

語小觀天地分明驗化機二儀舒更斂一指是耶非信屈
陰陽辨推移囊籥微示斯參灌鬯居所握璇璣彈處華嚴
現拈來粒粟稀陶輪看掌運矩表詎心違錐管奚能測鴻

濛若可依

陳樞瞻

主極

作觀早知歸

恍惚中有象

大道原無象聊從恍惚通迹惟超物外理自得環中勿穆
神常靜微茫運不窮獨留真宰在誰悟化機工水活花開
岸雲行月麗空筌蹄捐色相橐籥問元功身可飈輪御心
還寶鏡融

斟元歸

上聖執契洽鴻濛

動靜交相養

動極原生靜循環象自包性根惟善養功用在相交有恰
從無兆藏非以顯消龍伸還屈躩鯤化或潛蛟空谷泉喧
澗寒林萼吐苞鳶魚齊證悟燕蝠那騰嘲闐闐機常運乘
除理莫膠固三徵

錫極健順法羲爻

天臨海鏡會試

覆冒功資始澄瑩德喻淵有臨原際海如鏡總涵天蓋倚
三霄遠銅磨萬里圓蔚藍垂淡蕩空綠映淪漣質本高明
積痕都滓翳捐九華浮日采一氣盪星躔行健瞻璣運安
瀾慶帶連

崇深欽

聖治佳頌採延年

智燭信符

王道根天德昇平治具張智臨如燭照信履擬符彰智爽
全無闕訐謨定有常燦輝勤夙夜聖節達殊方燕說求賢
廣魚書訓俗良光明周萬屋約法凜三章燭火芒都熄郵
傳速未妨

宣聰兼執契

神化邁陶唐

斲雕爲樸

漢治能師古名言著斲雕樸應追太素奢欲去前朝宮殿
阿房麗臺傾上峙驕中人虞庠費綈弋紀衣標虹棟休裁
璧雲階莫飾瑤青松馳道改黃屋禮儀昭甲觀開猶未丁
彝戒不訛

儉勤歸

聖德玉燭慶長調

師克在和鄉試

仁者原無敵師貞慶止戈吉曾占衆正克乃在人和士氣騰貔
虎軍容壯鸛鵲書應編葛亮傳欲合廉頗玉壘垂紫入牙
門挾纊多一鞭同起舞三箭早興歌黃石符堪紀彤弓句
可哦銷兵揚

聖武寰海沐

恩波

刻木爲耕夫

勤穡稽前古田夫像乍呈金穰占上稔木刻仿深耕約畧
蒲衣肖依稀草服輕艾人懸或似桃梗語誰爭社櫟邀春

賽山樞勵古情儼歆臺笠影如聽壤歌聲青幘非搏土朱裳合繪楹

劭農欽

帝世四輔慶昇平

砥礪廉隅

士行宜先植功還砥礪俱六條廉是本三復德之隅矢素觚非破懷方矩不踰堂高嚴等級席正慎樞趨劍鏐看磨洗圭稜任範模象原貞石守義肯辱金汙柄鑿休諧俗脂韋漫改愚官常端

聖世坊表勗羣儒

見賢思齊

希賢推士志思與哲人齊模楷前型在研求軼行稽純修

崇正軌上達戒恒蹊岸峻期先陟山高願仰躋薪傳看踵
接蘭契慎蹤睽白璧原非寶青雲自有梯鴻軒同振奮驥
附快提攜

聖代儲材廣名流勵品題

斲梓染絲

學修同藝事功慎在初基樸斲看文梓丹青染素絲方圓
隨作器白采妙相治錦樹眞花見華縑異藻施匠人徽是
引恍氏涑惟宜典重君王誥妍生幼婦詞伐琴良木貴補
袞大廷資願富研稽力儲材效

聖時

宵燈燂掌

好學稽前哲辛勤午夜燈焚膏綿晷燂掌紀宵興理以

分肌切功惟洗髓矜剝膚疑象著刺股共神疑蘭燄深齋
熟藤輪徹曉凭睫交情倍稟臂灼痛同憇詣比螢窗密眠
無蝶夢憑銅籤塵

乙覽

聖道貫金繩

秋水爲文不受塵

不使塵氛染文心試細求但看翻似水誰道筆非秋學海
千尋澈詞源萬斛流澄懷開月鑑滌慮向冰甌篇憶南華
讀歌應北渚酬元規休便汗越石定相伴汨汨來原駛迢
迢興轉適銀河飛一派健句想仙儔

五言長城

文律如軍律誰拈五字詩長城端可擬健筆快能支壯思

風雲入雄詞壁壘施曹劉牆欲短李杜奧爭窺上下千年
際縱橫萬里時句應堅似鐵墨或灑成池搖嶽才無敵凌
霄氣最奇封疆真自固何用致偏師

文采珊瑚鉤

珊瑚珍海外文采訝能侔未待銀毫架疑垂錦帶鉤雄詞
撐月朗麗藻映星稠句掇璚枝潤功深玉斧鏤藏非經翠
袖珮想綴鸞裘三尺柯奚羨千金字可售材原披鐵網人
合住瓊樓

恭信徵神瑞珎琪貢遠洲

周亞夫屯軍細柳

漢將誇雄畧新屯禁衛兵長楊停羽獵細柳列連營威以
綏邊重師惟節制明無譁千騎肅有截萬夫征詔豈知中

禁權應冠上卿鑾輿迴警蹕介冑謝璵珩山撼真難動靈
摧勢欲平

武成欽

廟算授鉞勵先聲

李愬雪夜入蔡州

偉績徵唐代奇謀祕柳營偶當滕六夜遽報蔡州平玉霰
乘宵集銀刀照地明銜枚人不覺斫陣馬先驚雲凍兕鑿
影風寒劍戟聲令真嚴白戰士盡奮朱英海異輪臺湧山
嗤蜀道輕

神謨湯沃仰鳧藻慶功成

三箭定天山

誰使天山定神威紀廣覃提戈疆拓萬破的箭傳三繡簇

連珠發雕弧貫笠堪麾連旗影動用李臨淮麾旗事勢挾鼓聲酣
月捷通維北靈驚懾幕南削成空岵岵響落總礪礪師錫
榮應紀乾功畫可參翠庭欽

聖武凱奏耀金函

笑比河清

勁節傳包老鋒校隔座生但看言笑慎欲比濁河清鐵面
覘風度銀瀾見性情汙泥心豈染沙汰志常盟那便容堪
掬端如浪不驚震繇占啞啞坎德喻盈盈柱擬中流砥
同瑞草呈

聖朝崇正直

疇錫慶階平

元夜張宴奪崑崙關

邕管張燈夕奇謀紀破蠻三更齊秉燭一將早臨關小隊
笙歌際雄軍叱咤閒坑膏方照灼雉堞已爭攀不覺庚郵
闌欣看午夜還戟門笳吹合沙陣髑髏斑銅面陰符秘銀
花令節閒

天威申絕域豈獨阜旗

狄武襄臨陣麾兩阜旗見者以爲神兵

行不由徑

士品端爲貴歧趨慎所由規行嚴步武徑捷戒浮游蕩蕩
三塗啟皇皇四術修但知貞素履奚敢效凡流李下蹤須
避榛閒展漫漫南山陞瓦合東郭笑溝猶肆夏儀都協迷
陽義可求

聖朝隆正學軌物衆材收

流九止甌臾

欲悟卮言戒周流喻轉丸甌臾占止止暑空驗安安象擬
盈科滿形知瀉地難芥坳杯漫置珠掌勢空盤坎窞休疑
入星毬枉自團捷徒矜走阪固乃效于磐瓦甃皆關道漩
渦那作瀾

察微歸

大智執兩析千端

長笛一聲人倚樓

縹緲臨風笛鏗鏘近水樓一聲橫吹發獨客滿懷秋裂石
音彌遠憑欄境最幽龍吟傳古調鶴跨問仙儔極望烟霄
闊相和律呂迥淒迷驚斷夢激越散新愁雲物明朱檻溪
山豔紫裘清才思趙尉高詠動滄洲

詩清都爲飲茶多

怪得吟情好詩腸徹底清都緣佳茗啜不使俗塵嬰露擬
三危咽風從兩腋生月團參皎潔雪腳鬪晶瑩澹蕩中冷
味颼颼活水聲句應傳石鼎韻合和瓶笙點筆春臺靜澆
書午夢輕雲龍曾拜

賜茶社漫知名

佳士如香固可熏

漸染需良友端宜善氣熏乍看佳士集儼比妙香聞芝室
游偏久蘭言聽不紛馨惟崇懿德清或誦先芬初蕙應如
是爲茅詎足云沅湘傳逸藻班馬紀雄文座豈留中令榮
還壽卯君

聖朝登俊彥芳潔表鴛羣

銅似士行

士品恆爲貴應知行似銅剛方資學力鎔鑄得天工勁節
貞寒暑潛修勵雨風堅磨原不磷介守更誰同鑑記衣冠
正鑑看滓翳融臭曾嗤巧宦式欲問元功柱鍊嘉謨寄符
分惠續崇

熙朝隆選造和氣叶璇筒

布帛有幅

富本文如幅齊臣著論精錢刀宜有制布帛試相程鷺毳
縱橫織駕機熨帖平每教長短協那使廣袤羸褻紀朝儀
肅邪看禮服呈衣冠曾示儉金錫共輪征古意懲過市名
言記納楹素絲嚴

課吏百度凜惟貞

團扇家家畫放翁

誰市齊紈扇家家貌鑑湖東南惟一老圖書過三吳里社
題橋近才名戴笠俱清風留點染生氣動眉鬚劍閣騎驢
入耶溪蠶桑娛儘教君袖置得似此翁無像欲乘鸞改仙
將跨鶴呼松枝傳韻事絲繡復奚殊

珠簾欲捲擲秋水

簾影如波影澄瑩倚戶隈明珠看欲捲秋水訝能擲蹙處
紋微皺鉤來縠細堆未教羅袖濕錯認剪刀裁湘浦潮新
退吳宮霧乍開花飛憑點染月浸任徘徊力豈香肩怯痕
憐玉腕迴天階涼色似晚漏正頻催

牽船岸上住

舟也仍居陸清標尚憶融偶牽苔岸住便擬草簷同荷菱
三閒舫蓬蒿半畝官屋非蘿待補經擬竹爲通晴檻宜邀

月雲帆漫駛風窗應開窈窕宅豈泛溟濛如水門常靜穿
花句最工由來書畫滿午夜氣成虹

宵爾索綯

勤儉徵幽俗嚴冬屋亟乘茅編看畫作綯索記宵興隴外
黃麻刈窗前碧縷纏五更誰擁絮三合乍拋繩夜柝聲頻
警鄰機響共磨青排簷角影紅閃屋山燈事異牽蘿補光
應鑿壁增

皇仁周萬厦擊壤慶黎烝

白鶴山房外集卷下

歸安葉紹本仁甫

宮花一萬樹

春氣

瑤宮藹韶光衆卉賒乍濃

三殿柳更見萬重花金闕鐘初啟瓊林藥正華連薨圍匝匝
疊井映交加戶隔蜂房簇牆留蝶翅斜紫飄香斷續綠襯
影周遮懸圃枝枝玉層城處處霞

宸游欣茂育麗景屬

天家

林木似名節

名節成非易嘉言尚記盧林應千樹計木自十年儲蓄鬱

留陰美輪囷作棟需爲經鱗紀久纔得鳳條數石幹凌霜
勁銅柯浥露腴萬牛辭剪伐六駁辨根株梧本歌多士松
休羨大夫楸楠

天府植

培育遍羣儒

松雨聲來乳茶熟

何處颺颺響松聲雜雨聲乍看茶鼎熟正泛乳花輕石銚
春泉汲磚甌活火烹居然號地簾真欲奏瓶笙階誤寒蕉
滴窗連夜竹鳴龍鱗枝未濕魚眼沸初平濤記三層聽詩
吟一味清頭網香餅淪拜

賜憶蓬瀛

自鋤明月種梅花

一片明明月清光映草廬不辭攀桂遠卻爲種梅鋤雪藥
期香發冰輪趁影虛瓊田開沃衍玉樹植扶疏似劃琉璃
碎還教枳棘除鶴雛將守處鴉觜乍攜初詩境前身是閒
情曉夢餘橫斜他日看穠事報春禽

一樹梅花一放翁

梅與翁同潔翁原是此花願將身萬億齊伴樹橫斜占去
峯千疊相於水一涯縞衣逢處處團扇畫家人共龍仙
古春隨鶴夢賒梁曾窺禹穴死更訪宣華百影東坡似三
杯太白誇冰霜工換骨端合住煙霞

人字柳

瑞柳徵

昭代青青拂

液池如人留古幹作字象交枝眠起原多態橫斜更弄姿恭
應春月擅緒恰晚風宜映水尋波磔窺花認合離楓林同
入畫薤篆欲爭奇歸院鳴珂雜趨衙視草資

奎文輝列宿連理貢

彤墀

鑪烟添柳重

苑柳濃

丹簾鑪香裊碧檐乍看垂影重似爲篆烟添氣入柔條藹枝
紫弱縷纖祥氛

三殿繞芳霧萬綵拈受處和風並疑來曉露兼陰留金砌密
衙啟玉墀嚴馥共朝衣惹痕偕舞絮黏

紫宸仙仗列稽拜肅

堂廉

杏花飛簾散餘春

春從餘序散文杏正垂簷乍見花飛辦還看影撲簾絳綃
千疊碎珠縷一痕黏芳意誰云歇韶華若可拈鳥窺殘朵
靚人坐晚寒添雨聽纔深閣風欹又小帘梨雲吹共豔柳
月映微纖

御苑晴光早紅香襲錦幃

前題

杏林寒乍散小閣敞瓊簾幾點餘花落三春麗景兼垂垂
懸綺戶冉冉拂虛簷額繡疑相雜鉤銀欲誤拈燕風輕並
入鸞霧豔頻添縷密香徐度紋疎藥半黏陣原隨舞蝶影
待映高蟾記得蓬萊種

蘭宮報曉籤

百花香裏看春耕

百花香發處農事盛三春望杏催耕早
曠蒲勸穡頻綠陰千隴遍紅雨一犁新
山寺提壺客溪橋負耒人芳林窺樹
樹野水映粼粼餅餌占堪驗旃檀嗅
欲真東菑欣聚笠南陌正飛茵

聖世勤民切青郊頌

帝巡

麥黃樞熟

首夏田功盛禽言紀栗留麥黃看隴畔
樞熟驗枝頭赭染雲初捲丹垂雨乍收
氣含金色正漿貯玉膏流歧秀歌堪
誦長生藥可求千畦籠靄淡萬粟映
星稠化去休飛蝶鳴

來好集鳩

聖朝農扈重茂豫報青疇

綠垂風折筍

籬筍何因折風來籜半垂漫吹紅點點却愛綠傲傲抱節生猶嫩鳴條勢不支朱旛三月暮蒼玉一痕欹節月遲他日驚雷憶往時階苔和影瘦林葉帶烟疑簷墮憐新撓綳開認素肌棲鸞傳

御苑獻瑞紀

彤墀

一心呪筍莫成竹

爲愛於陵質春林紫筍生卻愁叢易長欲呪竹難成節漫抽青籜香應護錦綳休誇清並柏還喜薦同櫻鳳尾留新

約龍孫訂舊盟綠章真待乞蒼玉願頻萌味諫詩人意加
餐野客情涪翁傳好句煮簞莫譏評

點溪荷葉疊青錢

綠野溪流漲新荷發遠汀千層浮葉碧萬選比錢青赤仄
模誰鑄紅衣綻未經關榆唄小水荇漾絲馨魚戲曾留
影蛺飛合肖形數宜娃艇豔投豈客輟停十里銷金地三
春糝絮庭如船歌玉井

鳳沼信稱靈

露井榴開三四花

露井薰風拂榴花幾朵開三英攢寶萼四照豔瓊臺疊影
輝芳幹駢枝綴錦夢紅誰誇一點綠自映千堆巾蹙籠雙
袖脂施暈兩頤叢香依碧斃餘瓣數蒼苔竹外桃堪擬門

前柳漫栽長羸

仙苑暖佳種記蓬萊

前題

榴火榮初夏繁花未盡開
累三看絳燄駢四認芳荑翠幄
千林繞紅裳幾幅裁奇葩
先照爛餘藥尚胚胎玉檻晴暉
駐銀牀麗景催戎葵偕影倩
香艾任風回種合臨玫砌簪
宜傍鏡臺

薰絃方在

御萬彙沐滋培

江城五月落梅花

五月江城暖寒梅那剩花
卻聽橫笛弄似遺落英賒逸響
穿雲破冰肌裂石誇一聲傳
縹緲數點憶橫斜香待迎薰

發陰留寔暑遮神仙餘幻想大地變春華鶴影迷高閣龍
吟咽暮霞青蓮傳妙句鄉思寫長沙

仙艾垂門綠

懸艾微仙授佳辰節物存漫誇朱飾戶還喜綠垂門葉自
三年舊枝看五自蕃綺窗同映色瑣闌宛留痕環襯丹榴
豔籬窺紫槿繁于焉除毒疹卽此悟靈根蘭馥宜登釜蒲
香合泛樽

賜衣傳令典

芝殿午風暄

桃印

被解徵仙木桃枝鏤刻新符曾懸改歲印又紀良辰碧島
千年幹朱門五色春穗書鐫此日葦索問前因弧射還陳

牡文成擬篆麟綬宜舒絳萼章合綰黃神劍錫青蒲儼紳

垂碧柳勻

離暉瞻

紫極壽縷共祥臻

艾人

辟惡徵佳節朱扉艾乍懸不須如虎猛還藉以人傳丹穴

靈辰藥滄洲太乙仙見非三歲隔圖共五時妍當戶封曾

否

當戶官名
見漢書

簾門像儼然貴宜桃作印幻合蒜爲拳彩縷

紫逾好冰臺影自圓采芳逢

聖代茅彙進羣賢

瓜田不納履

嫌疑當早避錯履慎瓜田偶值青絲納如防翠蔓牽鎮心

羞巧取壯趾凜多愆詎有離離摘非誇囊囊便折腰虞損
節捷足戒爭先東郭休穿雪南皮未浸泉黃瓢啜泔忍赤
烏協周旋元吉占羲易星辰近

紫躔

李下不整冠

未然防欲密瓜李義同觀已慎田閒履還嚴樹下冠切雲
方岌岌裏露正團團側帽容偏好攀條志未安烏巾休手
觸朱實在根蟠政憶垂街肅榮宜戴斗看無言蹊豈闕有
頰貌原端

紫禁清陰迥華纓慶共彈

紫李黃瓜村路香

幽絕西湖路山村是處香李蹊方映紫瓜圃乍含黃絳實

離離綴瓊漿
滴滴嘗全沾
梅雨潤微度
麥風涼練悅
飛花盡冰圭
引蔓長根原
蟠玉府色欲
傲金絳葛袂
行吟好松陰
古寺藏南訛
欣

茂對萬彙總蕃昌

石出倒聽楓葉下

楓自危崖長
秋來葉乍零
卻因巖石出
倒向客船聽
策策聲微度
蕭蕭響未停
孤根盤絕壑
亂籊墜寒汀
本擬凝眸望
翻教側耳聆
波閒窺影赤
鳥底踏雲青
蘿月懸幽磴
松風雜冷陁
杜陵詩思好
江上正揚舲

櫓搖背指菊花開

叢菊秋方茂
離亭俟舉杯
櫓看搖處疾
花似背人開
白舫乘流駛
金英近岸栽
一聲歌欸乃
萬朵惜低徊
豔向籬根

望香從舵尾催攜壺前日酒擊楫此時才紅樹同蕭瑟蒼
葭好溯洄壽華推老圃莫羨蜀江隈

榮鞠樹麥

嘉穀乘金旺文稽小正遺鞠榮當戌月麥樹值秋時籬角
芳英綻柴根擁護宜香風三徑滿寒雨一犁滋不待鴉銜
後剛逢雁還期題糕忙此日說餅計來茲著眼黃花瘦關
心綠浪披劭農欣

郵治上瑞紀雙歧

書牆暗記移花日

佳日春秋記花移曲檻旁芳叢憑茁幹彩筆暗書牆亂費
千枝發巒幾十版強嬌紅都辨種淡墨儼成行信待經旬
驗文疑複壁藏碧紗籠定可金谷醉無妨小徑莓苔綠空

垣薜荔香

上林珍卉植麗句憶冬郎

前題

園林芳意滿書日記花移暗灑牆頭墨如題壁上詩捫苔
工點黼刻竹仿新奇畧記栽桃候還憐見杏期懸藤同天
矯倒薜認離披青粉留春信紅椒寫豔思蝸涎休便浣蝶
影好相隨

茂對韶光麗

奎文照繡楣

花爲四壁船爲家

畫舫清游好三更入藕花四圍如倚壁一棹合浮家碧水
粼粼隔紅牆面面遮眞宜衣製芰不信渚橫艤繡幙邀明

月香帷障綺霞未容吟鏡蓋直似拓窗紗屋豈衡離繚宮
疑菑若誇仙踪傳太乙應坐髻雙丫

戶映花叢當下簾

叢花當戶發匝匝映雕簷試認千枝藥如垂一桁簾蕾珠
明的皦萼秀纖輕纖那用銀鉤挂居然玉箔添妓衣遮更
豔人影瘦同覘燕入疎無誤鶯衝密豈嫌桐應窺小鳳柳
待放高蟾

上苑穠芳茁麟毫麗錦幃

前題

誰把珠簾下迷離隱翠櫳那知遮綺戶卻是映花叢密藥
籠輕霧繁枝障曉風幾重圍膩綠一徑羃深紅看去櫻桃
隔垂來玳瑁空春痕留旖旎秋影望玲瓏草色侵應易櫺

階倚乍同錦茵休共捲香雨霽晴穹

草亭宿花影

花影三春麗參差照屋茅似乘山月夜卻宿古亭坊皓魄
通宵映生香幾樹交偶因光拂檻稍見藥移梢桑下真同
戀梅邊乍吐苞蝶依還結夢鶴守正棲巢地合留松隱人
應聽竹敲清溪無限好蕙帳不須嘲

常盱眙宿王昌齡隱居五律最爲清絕此句是指月照
花影通夜在亭若棲宿然與下句藥院滋苔紋句法一
律非謂人之宿花影也前人詠此者多誤故作此正之
閒與仙人掃落花

勝境仙壇記飛花積等閒願將柴帚縛待掃落英斑紅雨
繽紛際青城縹緲間餘香堆蘚徑清影露松關錦繡千林

刺榛蕪一例刪職還供弟子籍早脫塵寰芳氣留衣袂凡
心謝荆菅蓬瀛沾

聖澤瓊藥映爛熳

鳥散餘花落

花叢羣鳥聚芳卉豔前除忽漫驚禽散微看落藥徐辦殘
鶯啄後枝動燕穿餘綠颭搖瓊砌紅飛襲錦裾喧啾聽乍
寂匝匝認全疎響共金鈴蹴痕留玉檻虛茶烟輕颺際杏
雨半沾初

上苑歸昌集韶光滿

帝居

率馬以驥

表率歸純詣師資義可方馬羣原不一驥德乃稱良竹耳

誰先騁蘭筋合首行縈雲遲紫燕開路藉紅陽渥水神駒
駿天山驛騎長靈應昭月竈瑞本映星房十駕勤徒詔三
花飾未妨

任賢欽

聖代服阜詠飛黃

晚涼看洗馬

清景南池擅秋風送晚涼聽蟬來野渡洗馬傍迴塘漱澹
晴波活蕭騷駿尾長霜蹄憑蹴踏雲轡待騰驤汗濯桃花
濕溪浮荇葉香痒揩依古樹齧避立斜陽玉歎金隄外珠
濺碧岸旁

天閑多鳳臆在垆頌驪黃

山花趁馬蹄

山花當路發策騎度花蹊乍覺明人眼還看趁馬蹄紅香
千簇擁翠靄一鞭迷玉腕憐輕蹴金羈聽緩嘶連錢迴綺
陌碎錦散芳隄得得庚郵遠菲菲甲圻齊作團隨蝶舞爭
樹有鶯啼旌節祥原兆朝

天拜

紫泥

艾虎

消沴傳靈艾於菟託體微蜩鳴方應節虎變乍呈輝闔戶
餘芳氣襲藩表積威盈腰原可賦履尾定無譏縛倩紅絲
穩蒙宜翠葉圍欹風臨繡谷濯雨憶蓬扉剛卯符同結逢
寅製莫違懸門欣炳蔚異瑞集

宸闡

天寒有鶴守梅花

墨林留寶幘高格獨標梅誰守寒株發還憑編羽來癯姿
同雪映幽藥待霜開唳夜聲清絕凌風萼破纔似防僊客
到一掃俗塵同琴聽胎仙弄粧看玉女催書休傳閬苑人
合住瑤臺妙繪通翁肖橫斜句可推

山人足魚

魚計全資水何緣足在山那知青嶂住未覺錦鱗慳估客
來晴市漁舫集遠灣居然鮮可擊誰說險難攀西塞千重
磴嚴陵百尺鬟辛池憑涿躍丙穴見爛斑川谷功相濟舟
車用共關蕃昌歌

聖世樂利逼人寰

一星幽火照叉魚

何處青熒火如星隔水涯三更明鷺渚一點照魚叉
噉吐蘆碕小光分蓼岸斜雪鱗驚撥刺霜穎認交加
映去榆暉朗看來桂魄遮江深微有影籟靜正無譁
隱約藏漁舍蕭閒羨釣家客船燈未燼秋思在蒼葭

魚戲新荷動

碧沼微波動圓荷濛葉新乍看搖翠暈知是戲游鱗
澆瀾方依渚離披本出塵銀刀穿瞥忽玉尺躍逡巡
露瀉珠逾顫風迎黛欲皺綠錢輕逗影蘋尾正迴身
盪豈蘭橈水潛宜柳港春順流歸

聖化麗景映

龍津

偶聽黃鵠第一聲

翠陰如幄後鵲語聽分明已過重三節剛傳第一聲絳蠶
辭舌澁睨睨辨音清纔是新簧弄非關舊調麝鳴春先聚
籟協律入韶笙銅陌光初曙金衣刷乍成韻應諧始奏啼
豈繫離情百嘯

龍池好圓吭柳外輕

風簾入雙燕

乳燕飛晴晝疎簾挂綺窗忽開風翦翦乍入翅雙雙擘柳
來春院銜花憶暮江玉鉤痕互顫紅縷影交撝上下音難
定呢喃語最吮繡垂穿宛轉珠觸韻琤琮喚侶情彌切尋
巢意未降

上林枝可借妙景寫吟腔

似曾相識燕歸來

長安先生集卷之二
三
海燕依時至春風快乍乘歸還尋主舊識尚記吾曾翠羽
新巢穩烏衣昔夢仍香窺花徑熟語喚畫梁鷹有約如期
到相逢覺歲增紅襟憐久別綵縷願頻緝彷彿瑤筐認殷
勤玉翦稱湘簾雙入好棲託最高層

燕子嗔垂一桁簾

雙飛春燕小一桁繡簾垂祇以尋巢急如暝入戶遲徘徊
窺曲箔宛轉隔歲蕤花影穿難透波紋掠倍疑紅襟同綵
繚翠羽總迷離畫閣風微候華堂日永時梁棲勤覓侶壘
築恐踰期妙句樊川擅麟臺詠

玉墀

草泥行郭索

霜蟹乘秋熟江泥百草生
螾跚依淺渚郭索記旁行
蓼岸

潮初落孤田雨乍晴一枝扶葦細幾輩縛蒲輕琴裏爬沙
曲窗前灑雪聲曉簾風正緊夜鐺火微明菊重橙香候持
螯對酒情孤山詩思妙逸句定誰賡

蜂重抱香歸

春苑濃花發游蜂接翅飛乍看雙翼重知抱衆香歸帶露
痕猶濕迎風力本微似防殘粉墮深護落紅稀股寄來青
樹脾封傍翠磯衙開晴晝迥臺敞暮雲依莫以齊紈撲還
穿繡幕圍

上林饒淑景羣卉正芳菲

花藥上蜂鬚

花內名曾著

花內曰藥見廣韻

芳園玉藥敷未教粘蝶翅卻看上

蜂鬚香抱雲如活膏含露欲濡乍憐黃粉褪

黃粉見王建牡丹詩

等碧芒輪宛轉蟬棲葉延綠蟻度珠銜來壺腹重獵去柳
腰癭金翼原稱使蒼韓合號奴少陵傳麗句體物妙操觚
落花蝴蝶作團飛

落花風力緊蝴蝶亦爭飛團雪詞誰作尋芳夢不違陣翻
雕錦亂翅舞鳳腰圍麗殿香迷徑翩躚影拂衣馬蹄塵暗
逐羊角勢相依蹴恐珠毬誤輕宜寶扇揮紅茵堆處厚絳
縷繫來非綠草南園滿春光頌

帝畿

前題

江郊新火候風送落花寒乍共烏銅轉還偕蝶粉團濃香
千簇擁彩羽幾羣看目鏡堪摹影雲衣合振翰雕輪隨迅
激舞袖鬬娑盤弄暖烘朝旭吹晴度遠灘仙源人撥棹幽

夢客憑欄試詠春城句芳華滿

上蘭

蟬不知雪

鳴蟬當暑月冬雪那能知試計霏霏候原非嚙嚙時槐陰
棲最好梅點認應疑每向金行寂難詰玉戲期垂綏欣美
蔭舞絮謝寒飈鬢自梳齊女歌休奏楚姬夏蟲堪共語凍
雀漫相隨

燭照歸

先覺陶鈞萬化滋

松不棲蟬

木以松爲長虬枝百尺齊不教凡鳥集肯使暮蟬棲五鬣
吟風爽雙綏飲露低但能依密葉那便躡巖梯螭首容雖

好龍鱗望總迷秦官曾錫紱齊女漫飛珪琴韻收青樹濤
聲響碧谿棟梁資

國器珍植謝檀欏

兩部鼓吹

誰言山徑寂鼓吹繞庭階未舞千年鶴先聽兩部蛙宮商
諧閣閣風雨雜喈喈式豈臨軍府喧宜傍艇齋漫疑宵柝
警恰似曉衙排笙磬聲休亂松篁韻或偕衣原同令僕彬賦
語響莫謂明哇井底嗤王晏笳簫那足儕

輕羅小扇撲流螢

秋色閒庭靜流空數點螢誰將羅扇小撲向暮窗青素彩
裁新樣紗籠識舊形微涼生玉腕輕影墮朱牖草際揮難
定花叢去未停風廊人語笑暑簟意伶俜豔欲揮銀粟光

眞冷畫屏乘鸞闌夢悄簾外認雙星

腐草爲螢

物變徵原草溫風倏化螢共憐光熠熠猶記色青青簾外
頻侵雨窗前忽聚星良宵新度影幽夢舊通靈芳乍銷苦
岸秋先到畫屏裙腰迷故徑屋角逗微螢湘水王孫路雷
塘別苑亭井欄題句好囊照待橫經